


報日環循

光緒拾年歲次甲申閏五月廿五日 禮拜四 第千四百八十五號

[illegible]

屈臣氏製積塔發售
臣監瘡花餅售



此餅揀選上品地道藥料製成色如雪白性味和甘小兒最喜入口善除腸蟲由病及五疳積聚脾胃虛弱積食生痰以致及黃骨瘦腹現青筋時見肚痛糞下白泡百病叢生醫家難治多有因此而誤殤者甚為可惜如服此餅虫積盡消且能補脾胃肌肉日長有奇功而無後患誠為小兒去積之至寶靈藥也或有年稍長者亦有因虫積而無治法皆宜服食平人服之能防蠱患本藥局倡設於香港已四十年獨究中國水土配製此餅專有去積培元之功毫無尅伐耗削之患兼能調和臟腑開胃消食非同別家所售者比茲因此餅通行日久各省馳名其餅樣似花塔故俗常以花塔餅呼之且因近年消售甚多故特減價平賣以便販客易於運兌帶往各省俾能廣行濟世云爾本藥房稟准用龍麟作塔為記別人不得私用恐有假冒 諸尊賜顧細認招牌庶免有誤
每樽銀式毫五仙 本藥房在香港 粵城內外 上海 英京 福州 小呂宋 天津 京都 汕頭 厦門 澳門 佛山 三月廿四日 屈臣氏大藥房識 平西臨

中 華 醫 生

黃保安包醫柳花癰血瘋癲面
千業醫數代中外馳名得自祖傳奇方以來百經百效救人無算萬無一失
功難盡述染此症者或家山所發陰感天地癘毒潮濕癰蒸或宿娼悞染咬
針蟻咬面似虫行兩耳浮大肉跳心驚種種百端漸起或起或停有此症者
急到本館取丸不論遠年初染服之脫胎換骨永無復發之憂此真治癰瘋
之靈丹至寶也○癰瘋保命丹○每料實銀拾兩○八寶三蛇捲雲丹○每
料實銀廿四兩○透骨殺虫丸○每料實銀五兩○近有無耻之徒因貪圖
利在予左右街設立醫館專用墜藥以欺騙患者真令鬼神共怒矣來醫者
必須認真予館招牌爲記免致錯往別館自陷其身之後悔也買丸藥者請
寄省渡代買不悞一老館在廣東省城西關渡頭北帝廟前新其西街向西向
開張絕無別館 予倘有墜毒悞人永遠不昌 二三番 黃保安謹啟

啟者茲於是日起本
號開張做行商及九
八行生理特立杜少
游黃高二人在本
號司理主意并有權
簽字給印此佈
光緒十年 閏五月 十六日
香港文咸西約第四
十八號瑞興隆行啟

售出船珠真

啟者前織墨齋在西法點石書局定印小題
眞珠船一套內文一萬有奇其題之備文之
精前已刊報原於五月告竣乃自本堂承受
之後詳加較訂另添補名作精益求精故至
今始竣然書成之日外埠承辦十去其七粵
東僅餘數百套每套分釘十二卷該銀四兩
六錢不折不扣斷不減價特此佈聞 一在
十八甫經香閣 雙門底玉山樓 佛山北
勝街天成葵扇店 香港循環日報 發售
羊城枕經堂謹識 辛亥

贈送瘋癲解毒丸
茲本藥房宋光臣先生所製
癲癲解毒丸經愈數人因將
其丸贈送少盡濟世之心如
有初患此症者請到面說病
由見症送丸分文不受每盒
初二十六開贈自九月刊生
白之後有多人到取亦皆奏
效特此佈聞
癸未年十月 香港中
環杏榮春中外藥房敬啟

利 貞 祥

本號常有 土木人參
北高麗參 寧古台參
吉林抄參 泡丁人參
鳳凰台參 長蘆抄參
三性麋茸 花旗洋參
各項蠟丸 清花玉桂
金絲熊胆 自磨茸末
諸君賜顧請移 玉至
香港上環文咸街南向
開張

十三五

功 德 無 量

且夫字之爲用大矣哉而字之當敬惜也宜矣所以拾字之會與於字之嫌謬然知敬字在中國者特未知惜字在異邦耳僕生不辰少年出外遍遊各埠見往來貨物無論票箱裝既以西字爲參爲憑何復以唐字再塗也而異邦人嗜慾不同性情各異即彼國字亦視諸蕪土況中國之字乎載物等箱字盈盈而供其踐踏裹包草席字纍纍而置諸汚泥糞牆畔不乏招牌則洞中恒多圖記甚至告恭借作拭糞之用目擊者能無傷心由此類推他邦之輕製文字者諒如是矣然此皆中國人未熟思而自誤也配貨往外埠但照西字囑頭縱貨有高下當以西字數目次第分之但仿夢頭差亂則以款式別之自無魚目之混即西人運載之船上下貨物均以西字爲憑終然之想則無錯斯彼不以唐字而行安可區區而反自賤耶奉勸富商大賈各其勉旃無蹈輕蔑之愆則字字寶之如珠定獲千祥雲集字字愛之如玉自當百福駉臻僕也管窺用陳敬字之說聊補惜字字之文樂善諸公慎勿以斯言爲河漢光緒九年七月廿四日弟陳愛仁拜言

承 接 裝 爐

號黃蒼記承接
裝爐水櫃各款
鐵器開船修整
連工包料價極
相宜主固不悞

光緒十年
閏五月初十日

黃蒼記謹啟

八三

情行份股司公各

香港上海銀行每股現值銀四百二十員
香港及中國麵粉局每股現值銀壹百員
香港火燭保險公司每股現值銀一百四十八兩
安泰保險公司每股現值銀一百四十八兩
洋子保險公司每股現值銀壹百三十五兩
香港火燭保險公司每股現值銀三百四十員
香港大酒店公司每股現值銀壹百四十五員
鳥純火車糖局公司每股現值銀八十九員
中朝一千八百七十四年貸款每股無加減
中朝一千八百七十八年貸款每股無加減
印度中國輪船公司每百員減廿五員
香港及中國麵粉局每股現值銀壹百員
黃埔船塢公司每股現值銀壹百員
香港煤氣公司每股現值銀八員
中國小呂宋輪船公司每百員減十員
中外保險公司每股現值銀六員

於仁保險公司每股現值銀五百五十員
那千拿保險公司每股現值銀一千四百兩
華商保險公司每股現值銀壹百九十員
諫當保險公司每股現值銀九十員
中華火燭保險公司每股現值銀六十五員
中國火車糖局公司每股現值銀一百一十三員
香港雪廠公司每股現值銀一百四十員
中朝一千八百七十七年貸款每股無加減
中朝一千八百八十壹年貸款每百兩無加減

頭品頂戴江蘇巡撫臣衛榮光跪奏為軍流遣犯酌量變通遵旨敷陳恭摺仰祈聖鑒事竊臣接准刑部咨以各省軍流徒犯脫逃日眾亟宜整頓又新疆平靖日久改發充軍人犯能否仍復舊例發往種地當差應由各省體察情形妥速條議具奏以憑彙核辦理等因伏查各省定擬徒罪人犯均發本省有驛州縣充當雜差如無驛站之處亦交巡典等官管束拘役是以脫逃尚少至流罪人犯本係屏諸遠方到配安置之人並不拘役而充軍各犯重於三流近到無分軍流到配之後一體安置並無拘役之事然滿流人犯應行加等或在配脫逃例應改發附近充軍者以三千里之犯轉發二千里名曰加重實則從輕誠如部議未免輕重倒置蓋附近近邊邊遠三項充軍地方與三流道里遠近相等與其徒襲虛名轉滋出入不如刪其重複俾有等差嗣後流三千里人犯加等或遇脫逃似可一體改發極邊足四千里充軍外極邊加等改發雲貴兩廣極邊煙瘴充軍如煙瘴加等即發新疆酌撥種地當差庶幾界畫分明可杜類重轉輕之弊而且均勻分撥亦免人犯擁擠之虞至各屬安置軍流人犯有地處冲途商賈雲集充當脚夫以糊口者有就地紳董籌集捐資酌給工本令作小販或僱充巡更等項夫役以謀生者尚可小報脫逃然此祇可指原犯人命鬥毆誣騙拐帶一切雜案等項人犯而言若本犯盜劫及搶竊等案若輩非獷悍姓成即習於游惰大率不受約束往往朝到配而夕報逃比比皆是以前定例凡遇強盜免死發遣新疆給官兵為奴人犯在配脫逃拿獲後即行正法以網開一面之人處邊塞萬里之外一經逃逸不特遠道難歸且恐首領莫保是以鮮有脫逃乃自嚴辦強盜無論法無可貸情有可原不分首從以來遇有別故不行事後分贓定發新疆改發足四千里充軍人犯各省較前愈多其實今日之所謂別故不行即昔年之所謂情有可原者也此亦盡非承譴者之有心開脫蓋盜犯到案非加刑訊不肯招承若贓証未確或供詞反覆勢難一概駢誅亦有逃犯眾多弋獲無期不得不就其現供先行定讞聲請監候待質即後有稽犯或先已狡供臨時不行未經上盜慮其扳陷往往不敢承認轉致續獲者得以漏網是以此項待質人犯續經獲犯審正者亦復甚少一經十年限滿即照擬發配如有脫逃亦祇仍發內地加枷較之以前免死盜犯監禁待質必須二十年後遇有恩赦方准查辦及發遣後在配脫逃即須正法者又覺類重轉輕也此等改發充軍人犯雖有繫帶鐵桿石墩之例無如到配者日眾而疏脫者益多諺兼專各官例止罰俸亦復習以為常此近年來各省軍犯脫逃之多其原犯盜案者實十居其七八也以後應如何酌量變通應否

擊羅道潘大人已抵省公館住蓮塘街歸善內外司缺委候補府司獄黃椿署俸滿三
 水省江司吳昌烈飭回本任○閏五月二十一日 督撫憲轅報 候補直隸州鍾啟
 元稟知委勘估成遠下橫塘砲台工程候補縣薛定權稟知委赴香港公幹補用縣蔡
 澤恩稟辭往恩平查勘水災粵盈庫廳李稟知奏調憲委解海防經費餉銀一萬兩交
 善後局收訖南海縣危番禹縣倭俱稟知送新谷米候補通判王存善稟知委辦厘務
 局文案稟見從九品馬儀麟稟辭往高要等縣催省米○閏五月二十日廿一日 督
 憲武弁轅報 記名總兵陳新光稟呈履歷稟知載准軍勇往梧州標下差弁梁
 遇高童鳳璋俱稟知進貢回記名雲雲慶稟賀稟辭回沙角砲台准補平海營參
 將高騰雲稟辭往香港公幹補用都司徐九成稟知委載親兵往上海標下右營外委
 何陳亮唐光耀俱稟知賁奏銷本進京回撫標差弁陳兆藻梁顯廷俱稟銷端陽貢差
 渡船沉溺 省中二十一日自朝至午大雨滂沱狂風繼至聞有番邑大山鄉渡由鄉宰省駛至州
 頭嘴海面忽爲大風吹折帆桅其船猝然傾側遂遭沉溺同船附搭男婦共五十餘人皆問諸濱水
 幸各船艇盡力撈救聞獲生還者有五十人尚有男女數人不知形影想巨浸茫茫已作屈子之身
 矣吁慘哉○死生有命 命之修短有數存焉觀于甲乙之有效有无效可概見矣聞二十二日港
 船來省行至半途忽有一搭客羣絕艙中目閉眉攢口流涎沫滿座嘩然有謂其係中痰症者即用
 九散灌救并着小兒以溺淋其面未幾即醒漸能起坐神色雖未如常而性命已覺可保矣越刻又
 有一孩子年甫十餘歲陡起沉痾面色如墨其母大呼不應有以前藥灌救竟無功效未幾身亡其
 母痛哭悲啼聲淚俱下自謂子甫三齡父即棄世孤孀守節專望成人不料羈疾慘遭絕子之憂
 空如洗舉目無親何以理葬言畢復放聲大哭旁人觀此情形莫不髮悚心傷多有解囊相贈者噫
 甲則回生有術乙乃藥石無靈數之所在命固不得而奪之也如乙母者且奈之何哉

前任督憲曾大人
撫憲裕大人奏稿
此奏稿得之友
人據云去年留中
未見邸抄者茲特
刊錄於報以供衆
覽 兩廣爵閣部
堂曾廣東巡撫部
院裕跪 奏爲微
臣督同司道遵

有密地豫籌海防恭摺合陳仰祈 聖鑒事竊臣等派吳全美統率舟師駛赴廉瓊洋面游戈巡防派方耀統領五營馳赴欽州邊界擇要駐紮業經具報在案六月初六日承准軍機大臣密寄光緒九年五月十六日奉上諭法越構兵一事久未定局法致脫利古與李鴻章會晤以中國是否助越為言意在挑畔其為巨測函宜先事籌防以杜狡謀著特沿海防禦實力籌辦認真布置不可虛應故事徒令外人輕視等因欽此仰見 聖謨廣運訓示周詳私衷易勝欽伏查廣東洋面延袤三千餘里廣州市會居其中東自惠州而潮州與閩省聯疆西則自肇慶而高州雷廉與越南接壤瓊州二府南澳二疆則孤懸巨浸之中數十年來督臣撫臣籌辦海防以省城為外郡之中樞虎門為省城之門戶因而議修砲台議練水師又議購巨砲製水雷以為守禦之備經營佈置蓋有年矣顧以財力不充事功難就即省河及虎門黃埔等處應修砲台各工尚未告厥歷年購水雷鎗砲為數甚多然以之分佈各處砲台仍形不足此外沿海各處如東路潮州之汕頭僅只修成崎嶇砲台一座其餘惠雷廉瓊各郡更屬兼顧不遑目今越法構兵外人藉口生端欲挑畔於中國粵東洋面實為外人入華首要衝途且通商最久香港澳門及附省河面一帶在在皆洋人館舍房屋處處皆有領事商賈屯駐沿河水勢之淺深山川之險要皆敵人所稔知也先事之防勢不可緩以通省瀕海而論沿海三千餘里港汊分歧如欲到處設防兵力實有未遑惟省城為全粵根本自當首為之防欲求內地之安必先設藩籬於外是則虎門一隅為粵省門戶尤不可不嚴為之備自虎門至省城洋面雖寬計程約一百八十里香港澳門以為外人踴躍惟虎門沙角上下橫檔尚是鎮鑰之砦洋面雖寬中只一淤三等四等砲力尙能洞中船隻如深入數十里則水道漸窄矣惟離四十里之黃埔常州相距兩岸各有四五十丈山形包裹水勢濶洞若於此設防大足以資控扼是以言防粵省僉謂虎門沙角上下橫檔為省垣第一重門戶萬不可棄而不守黃埔常州白兔崗白鶴山魚珠洲路等處實為第二重門戶尤宜厚集兵力多築砲台以為之備勇夫尙且重用況省垣要溢乎光緒六年督臣張樹聲具奏籌辦海防摺內所言黃埔常州一帶中樞樞要亦宜有兵駐守有砲臺禦敵方能首尾相應即指此處要地而言之也張樹聲雖有此議旋以經費難籌迄未遑修築砲台所購之砲尙未一齊到粵是以不能設備臣等察看形勢竊以為今日防禦虎門固為最要而黃埔白兔崗等處尤為門戶鎖鑰更不可不先事預防果能扼守虎門常州則省垣自可無虞矣至於設守之方與其僅防於水面猶是孤注之勢不若兼防於兩岸可成犄角之形濱海設防首重舟師細查廣東輪船係為附近海口緝捕而設船身本不甚大且又購製日久機器未能堅固如初光緒五年欽奉 諭旨飭令各省輪船赴吳淞口合操前督臣劉坤一於覆奏摺內聲明粵東省各號輪船實不足以出洋禦戰今閱數年之久苦窳更甚於前若令駐防巨浸洋面則不足當敵船之利砲若令設伏於虎門沙角以內黃埔常州以外亦足以阻敵船之往來扼賊船之充斥臣等熟籌虎門地方除威遠橫檔兩砲臺業經修築工竣安配砲位分撥勁勇正副兩營駐守操防其指修之鵝頸砲台由水師提督派撥練兵守此外尙未修後之沙角砲臺及應行修築增補之上下橫檔浮洲山飯籬牌等處均屬要緊之地亦宜兩岸多築土台至於黃埔常州之白兔崗白鶴山魚珠沙路等處尤為樞要之區更應趕緊購料併工修築砲台便可與省城附近之大黃滘中流砥柱等處第三重門戶砲台聯為一氣其沿路水道較窄地方則置水雷以為砲台輔此預籌先守門戶而固省垣根本之情形也又守防之策控扼在乎得地而守禦尤貴得人從前粵東用兵有年乃於虎門十分要地但有守臺之形而未嘗厚集兵力作為護臺之壘又為遊擊策應之師似此孤立無援故外寇遂由下游登岸以襲砲臺之後因而一敗塗地不可收拾無論中外交戰大凡或無救援斷難持久堅守今欲防守各路砲臺必須屯聚重兵能耐苦戰方可以資防護一旦遇警雖有強敵乘虛以襲其後亦可敬慎不敗竊計虎門沙角及黃埔常州兩要隘萬一臨警之際每處須屯聚萬人首尾援應可以更番迭戰晝夜輪替前敵之軍乃有把握 此稿未完

預避嫌疑 二十二日倫敦發來電音言目下英廷傳旨着英國官民之中朝水師充當職役者即行告退云英廷此舉想必中法有決裂之勢故特早自為謀以釋瓜李之嫌也○兩阻前程 十八日西貢法字報云現接得真實信息謂前日法將尼忌理亞統有軍兵欲往諒山駐紮嗣因霖雨過多道路泥濘跋涉維艱故暫退兵回河內云○兵多將勇 茲聞安徽營兵現加增募兵一千名以資鎮守又聞有參戎某現調精兵一隊赴潛山處駐紮以防不虞云○法人巨測 上海西字報云前據真實信息言十七日下午四點鐘法國巴滋鐵甲戰船先從吳淞砲臺而過後復經吳淞砲臺背後灣泊聞其灣泊之處甚得地利砲臺之炮不可及其船而其船之炮可以攻砲臺是處兵士恐有不測遂嚴備拒禦之法而無令狐鼠之得以覬覦也然諺者謂華兵雖守禦甚嚴必不與法人開仗蓋前日某觀察曾有密札飭令附近統兵官祇宜守而不可戰謂中法勢未決裂斷不可擅動干戈也○思患預防 上海西字報云十七晚傳說法人擬於半夜入河以據金陵機器局及火藥局有某委員聞此信息實關緊要即備快

馬通知局員局員即出示着某參戎帶兵三隊每隊五百人駐守金陵以備戰鬥而資護衛適參戎與部將往上海福州路某酒館宴叙並未聞此要事嗣後有營差稟報遂登即回營云○天津近聞 十五日天津信息云中國北洋戰船於前禮拜四晚由燕臺啟行來津矣又云大沽處北砲臺之南牆現因雨水過多河水泛漲致被衝塌云信息又云目下大沽處之官員着人築一杉排用大鐵鍊貫串其長約有七百西尺由南砲臺橫過河道以達北砲臺杉排之下置放水雷砲甚多蓋設此以禦法人恐其由此入口也○雅州大火 傳聞四川重慶府相近之雅州地方於五月杪大火延燒一萬餘家之多一鎮幾乎燬盡是亦可謂奇災矣○法艦紀見 西報言法國靈克司兵艦於昨午由東京抵滬查該船在東京所設之三桅原皆以備交戰之用者刻下仍未卸去也○決書已至 字林報言駐滬之法欽使巴德諾脫於前日下午接到法廷電授京的美敦書着令齊赴 中朝即行定奪其書中不知作何語惟譯西字京的美敦之義蓋謂此次所商係結尾之語若再游移從此不必以語言文字相往來也故本館特定其名曰決書嗚呼法禍亟矣○析津要電 滬報謂昨晨接到本館在津友人專發電音云總稅務司赫君德於十六日乘坐武昌輪船來申當赫君未啟行之時助勤員曾與晤談許久赫君辭出後即忽忽就道大約為中法之事也又云正任津海關道周玉山觀察亦於十六日前赴旅順口辦理海防云下午六點半鐘又接津電云中法之事或和或戰現已有 欽派大員錫總憲珍廖閣學壽恆會同辦理昨日已聞得蒞津門矣

開兵述聞 外國新聞紙言法國外務大臣曾宣言於議院中謂已與李傅相擬定章程中國所定條約凡華兵之在東京者一律撤退今定以西歷六月六號至念六號為期華兵當悉行退去云按西歷六月六號至念六號即華五月十三至閏月初四日而日前消息則云閏月初一及初三等日法兵與華兵見仗則是尚未到期而法兵急於驅逐華人以至肇釁其曲固在法人也復閱字林西字報則云近得確信迷祿將軍本擬於六月六號遣兵往守諒山高平一帶地方嗣以恐有釁端故暫緩數日至六月十五號始發兵前去計法兵三百人越南土兵二百人照看駝載行李之騾子者一百餘人此一路係赴諒山者法兵此行固不防有戰事也及行至險要處突被華兵攻截致斃法兵七名傷四十人而法兵猶竭力據險以守熟將來益滋多事矣以上兩說究竟未知孰是孰非然即如後說所云亦定係該處統帥之人辦理不善所致中國朝廷必不能認帳也○法事紀聞 前晚滬上喜造謠言之中西人等紛紛傳述謂法國新簡之巴德諾脫公使已發電報至天津索賠軍


抄譯中外西報選錄辛巳七月廿二日中外新報有苦海慈航一段係由西
字新報繹出據稱英國駐川領事巴公名嘉者由四川重慶郡寄信來云
言及鴉片久爲中國患他常疑無藥物可戒不料於公餘遊歷至郡境左
近之志和營見有操舟人久染烟癖欲戒無由屢服中國戒烟丸散雖覺
小效而引終難斷且因戒烟之故致染沉痾幾罹不起無何而本局戒烟
精粉至川該舟人聞此詳藥善能戒烟得未曾有又以其名與白鴉紛及
各款藥粉不同其功用自異遂購而服之不旬日老癮戒斷巴公目擊其
事不禁深心歎服本局精粉爲獨出神奇故郵寄此信託新報館錄入特
爲華民之染烟患者告云審是則精粉戒烟奇效不獨中國官商見實今
又爲外國遠宦所嘉可知並無僞飾凡有志戒烟者請勿懷疑觀望可也

香港
英京
省城
上海
福州
下案
天津
漢口
屈臣氏

本局自
特稟准
色龍麟
原創一
後一
續一
分一
枝一
一
一

允光三在港開張發售膏丹丸散藥料遠近馳名因有假冒招牌故
龍麟作塔爲記庶免弊混貴客賜顧祈細認每藥有貼印紅黃黑三
塔招牌方是真貨至告白尾所印之樣未設顏色不過當機呈覽矣
香港中環泉憲署斜對門 一在英京反出治大街
粵城外沙基大街 一在上洋英大馬路
粵城內惠愛七約 一在福州南台廣東會館隔鄰
佛山北勝街 一在漢口洋街一碼頭後便
小呂宋橋頭 一在澳門大街
天津紫竹林 一在廈門島美街
西頭永和街 一在京都正陽門外大柵欄門橫胡同字號

屈臣氏謹啟



敬頌良醫

胡光先生，廬邑善士也。以儒術爲醫，術常利物而利人。久習岐黃理明法熟，因急於濟人，遂出而問世。有邀必到，藥到必效。酬以重金，輒不受焉。是其樂於爲善，洵福田之廣種也。矣。余內子臥病逾月，屢醫罔效。適一日至登豐洋貨店談叙，與先生論及婦恙。先生殷然同往診視，連服數劑，半旬間即獲全愈。著手成春，真和緩之能品也。余感大德，愧無以報。爰頌數語，以誌不忘。甲申年閏五月初一日。

德忌利士行郭展文敬啟

賞
二十餘年并無分枝別處藉蒙 諸君光顧本號各眼
往外洋發沽馳名日久前有無恥者假冒小號招牌且將
偽貨混雜曾在同治初年經出賞帖屢嚴拿送官究治豈
料無恥者每時被其私裝盛金包種及古勞并金小種
以及李耀記金包種等茶多被攪亂茲特重刊賞帖佈告
如有諸君查得私情確實報至本港上環李耀記協同指
証以十件至五十件則謝花紅銀四十大員或五十件之
外花紅加賞決不食言特此爲據

格

光緒十年 六月初八日 粵省杉木欄裕盛茶號謹啟

羊城鑑古書局

再三鑒校始行刷印現印校補四書
味根錄四書類典串珠校補詩韻合
璧新增詩句題解韻編分韻文選題
解試律觀海等書俱仿袖珍本式將
已陸續告成恐限以地遠近未及週
知用特佈聞博雅之士倘承惠鑒願
便舟車未始不非藝林助也

羊城鑑古書局謹啟

此新開紙由香港歌賦街第五約門牌第三十九號中華印務總局王韜刊印